

VISCHNAUNCA DA TUJETSCH



Reglament d'energia

Cuntegn

I. Determinaziuns generalas

- Art. 1 Intent
- Art. 2 Collaboraziun cun autras vischnauncas
- Art. 3 Dretg surordinau
- Art. 4 Baghetgs communal
- Art. 5 Promoziun

II. Bonificaziun per baghetgs novs

- Art. 6 Cundiziun per bonificaziun
- Art. 7 Puncts da bonificaziun
- Art. 8 Bonificaziun
- Art. 9 Prescripziun speciala

III. Contribuziun tier renovaziun e sanaziun

- Art. 10 Cundiziun per contribuziun
- Art. 11 Contribuziun

IV. Determinaziun finala

- Art. 12 Procedura da damonda
- Art. 13 Disposiziun penala
- Art. 14 Approbaziun e vigur

I. DETERMINAZIUNS GENERALAS

Art. 1

¹ Quest reglament ordeina las activitads e las cumpe-
tenzas dalla vischnaunca sil sectur dalla politica d'ener-
gia.

Intent

² La vischnaunca duei tenor pusseivladad promover cun
mesiras specialas l'utilisaziun d'energias regenerablas
(energia solara, energia da biomassa, geotermica, vent)
sco era il diever spargnus dall'energia.

³ Sco muossavia survescha la Charta d'energia dils
marcaus e dallas vischnauncas che ha igl intent d'exe-
quir a moda efficienta il program federal d'energia 2000,
igl uorden federal davart tener schuber l'aria sco era il
conclus federal davart il diever d'energia.

Art. 2

¹ Per promover l'utilisaziun d'energias regenerablas sco
era il diever spargnus dall'energia duei la vischnaunca
collaborar cun las ulteriuras vischnauncas dalla Cadi.

Collaboraziun
cun autras
vischnauncas

² Per quei intent delegescha la vischnaunca 1 commem-
ber ella cumissiun d'energia Cadi.

Art. 3

Las prescripziuns dalla lescha d'energia (LE) cantunala
e dall'ordinaziun executiva tier la lescha d'energia can-
tunala (OELE) sco era tuttas prescripziuns dil Cussegl
grond e las leschas ed ordinaziuns federalas ein resal-
vadas.

Dretg
surordinau

Art. 4

La vischnaunca persequitescha tier construcziuns no-
vas sco era tier renovaziuns e sanaziuns d'agens ba-
ghetgs e stabiliments aschilunsch sco pusseivel las
suandontas finamiras:

Baghetgs e
stabiliments
communals

- a) provediment d'energia cun energias regenerablas,
- b) diever d'energia spargnus,
- c) diever da materials ecologics.

Art. 5

Promoziun

La vischnaunca promova il diever d'energias regenerablas sco era mesiras da spargnar energia cun las suandontas fuormas da bonificaziun:

- a) reducziun dallas taxas da colligiazion e dallas taxas da diever,
- b) contribuzion finanziaria,
- c) augment dalla cefra d'utilisaziun.

II. BONIFICAZIUN PER BAGHETGS NOVS

Art. 6

Cundiziuns per bonificaziun

¹ Per conceder ina bonificaziun ein las suandontas cundiziuns obligontas:

- a) object sin territori dalla vischnaunca,
- b) lubientscha da baghegiar,
- c) negin diever d'energias buca regenerablas (ieli, gas) tiel sistem d'energia principal ni cumpressiv el medem baghetg,
- d) execuziun dil project tenor lubientscha da baghegiar e tenor indicaziuns ella damonda da bonificaziun approbada.

² La bonificaziun tenor art. 5 lit. a) vegn concedida tier scadin project ch'ademplescha las cundiziuns tenor al. 1.

³ Sper la bonificaziun tenor art. 5 lit. a) vegn concediu per il medem object mo ina dallas bonificaziuns tenor art. 5 lit. b) ni c).

⁴ Semidan las premissas per ina bonificaziun entras mi-

dadas dalla construcziun primara digl object enteifer 10 onns suenter la bonificaziun, sto la damonda da bonificaziun vegnir giudicada da niev. Ei ina bonificaziun suenter il niev giudicament buca pli giustificada, sto igl actual proprietari restituir la bonificaziun monetara respectiv il surpli dalla valeta dil baghetg che seresulta ord igl augment dalla cefra d'utilisaziun alla vischnaunca. Quella cundiziun vegn, sebasont sin art. 4 dalla lescha da baghegiar, impurtada el register funsil.

Art. 7

¹ La bonificaziun vegn calculada ord la summa dils puncts che seresultan ord la qualitat dil sistem d'utilisaziun d'energia regenerabla e la reducziun dil diever d'energia da scaldar.

Puncts da bonificaziun

² La qualitat dil sistem d'utilisaziun d'energia regenerabla vegn giudicada entras ina scala da puncts che cumpegia ils indrezs da scaldament e quels per l'aua caulda. Quella scala vegn periodicamein examinada entras ina cumissiun e duei corrispunder cun la scala corrispundenta digl uffeci d'energia dil cantun Grischun.

³ La reducziun dil diever d'energia da scaldar en relaziun cul diever d'energia admissibel tenor mussament d'energia vegn qualificada sco suonda:

- | | |
|--|-----------------------|
| a) tochen 20% reducziun dil diever d'energia | 0 puncts, |
| b) 20 - 66% reducziun dil diever d'energia | linear 0 - 50 puncts, |
| c) sur 66% reducziun dil diever d'energia | 50 puncts. |

Art. 8

a) *Reducziun taxas da colligiazium e dallas taxas da diever*

Bonificaziun

¹ Tier la calculaziun dallas taxas da colligiazium e dallas taxas da diever (taxas da canalisaziun e serenera) vegn

il surpli d'investiziuns dils indrezs d'energia regenerabla (energia solara, energia da biomassa, geotermica, vent) substrahaus dalla summa da schazetg (valeta nova dil baghetg). Il surpli da cuosts vegn eruius en cumparegliaziun cun indrezs d'iel ni gas equivalents en prestaziun e sto vegnir documentaus. Tier la calculaziun dil surpli da cuosts vegnan tuttas investiziuns quintadas che ein directamein necessarias per il funcziunament dil scaldament previus.

b) Bonificaziun monetara

² La bonificaziun monetara vegn fixada en funcziun dalla surfatscha scaldada brutta e dils puncts da bonificaziun sco suonda:

- | | |
|--|------------------------------------|
| a) tochen 100 m ² surfatscha scaldada brutta ni tochen 5 puncts da bonificaziun: | negina bonificaziun |
| b) 100 tochen 400 m ² surfatscha scaldada brutta: - minimum tier 5 puncts da bonificaziun | frs. 1'000.00 |
| - denteren | linear |
| - maximum tier 100 puncts da bonificaziun | linear da frs. 6'000.00 - 9'000.00 |
| c) sur 400 m ² surfatscha scaldada brutta e sur 100 puncts da bonificaziun | frs. 9'000.00 |

³ La surfatscha scaldada brutta vegn calculada tenor la norma SIA 380/1 (Energie im Hochbau).

c) Augment dalla cefra d'utilisaziun

⁴ Igl alzament dalla cefra d'utilisaziun vegn calculaus a basa dils puncts da bonificaziun sco suonda:

- | | |
|------------------------|-------------------|
| a) tochen 5 puncts | negin augment |
| b) 5 tochen 100 puncts | linear da 0 - 9%, |
| c) sur 100 puncts | 9%. |

Prescripziuns specialas	<p>Art. 9</p> <p>¹ Tier combinaziuns da divers systems da scaldament vegnan ils puncts da bonificaziun da mintga sistem dumbrai ensemen.</p> <p>² Tier systems da scaldament en reit da colligiazium (Wärmeverbund) survegn mintga baghetg singul che vegn colligiaus cul sistem da scaldament communabel 75 % dils puncts da bonificaziun che vegnan concedi al sistem central d'utilisaziun d'energia alternativa tenor art. 7.</p> <p>³ Tier baghetgs cun pliras habitaziuns cun divers systems da scaldament enteifer las singulas habitaziuns vegnan ils singuls systems da scaldament da mintga habitaziun valetai en relaziun dallas surfatschas scaldadas bruttas dalla habitaziun e dil baghetg entir.</p>
-------------------------	--

III. CONTRIBUZIUNS TIER RENOVAZIUNS E SANAZIUNS

Cundiziun per contribuziuns	<p>Art. 10</p> <p>¹ Sch'il cantun Grischun dat ina contribuziun a sanaziuns e renovaziuns da baghetgs tenor art. 14 dalla lescha d'energia (LE) cantunala ed art. 7 ss dall'ordinaziun executiva tier la lescha d'energia cantunala (OELE) dat era la vischnaunca ina contribuziun.</p> <p>² Tier midadas dil sistem da scaldament sin diever d'energias regenerablas vegn la damonda da bonificaziun tractada tenor capetel II. «Bonificaziun per baghetgs novs», quei denton mo el cass ch'il cantun dat pil medem object negina contribuziun tenor art. 14 dalla lescha d'energia cantunala.</p>
Contribuziun	<p>Art. 11</p> <p>La contribuziun dalla vischnaunca munta 20 % dalla contribuziun dil cantun denton max. frs. 5'000.00.</p>

IV. DETERMINAZIUNS FINALAS

Art. 12

¹ La damonda per ina bonificaziun resp. contribuziun ei d'inoltrar all'istanza da baghegiar ensemen cun la damonda da baghegiar.

Procedura da damonda

² L'istanza da baghegiar examinescha la damonda e decida sur dalla bonificaziun resp. contribuziun. Ella ei responsabla per la controlla dall'execuziun.

³ Recuors encunter disposiziuns dall'istanza da baghegiar ein d'inoltrar enteifer 20 dis dapi la comunicaziun alla dertgira administrativa dil cantun Grischun.

Art. 13

Surpassaments encunter quest reglament san vegnir puni dall'istanza da baghegiar cun in castitg entochen frs. 5'000.00. Medemamein ston las bonificaziuns, contribuziuns resp. il gudogn ord il surpli dalla valeta dil baghetg che seresulta ord igl augment dalla cefra d'utilisaziun vegnir restitui alla vischnaunca.

Disposiziuns penalas

Art. 14

Quest reglament va en vigur cun l'approbaziun entras il cussegl da vischnaunca dils 24-5-2000 e vegn mess en vigur culs 1 da schaner 2001.

Approbaziun e vigur